

Guangjsih Minzczu Bau

ganhhau: CN45-0036 B.2014 Nd.9 Ng.3 liggaueq gyapngux nienz ndwenbet cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3139期

Sanhgyangh: Mbanj Dungcuз Sonhag Sawdungvwnz Vunzlai Gig Gyaezmaij

三江:侗寨侗文培训受青睐

Daengqdiuz guh daiz, daengq-daemq daeuj naengh, 40 lai fouq lwgda cimyawj gaiq hwzbanj iq, gyoengq mehmbwk Dungcuз fwngz raeuzrit dwk "cau" saw gwnz hwzbanj, bak riengz lauxsae haenqrengz doeg Sawdungvwnz、ciengq Fwendungcuз, mboujguenj seizcou banhaemh oem, mbouj lau nengznyungz nyauz…… 8 nyied 29 hauh banhaemh, bousij hai ci bae daengz Sanhgyangh Dungcuз Swciyen Linzhih Yangh Bingzyenz Cunh Mbanjyenzcai Dungcuз yawj giz guh Sawdungvwnz Fwendungcuз beizyinbanh, gyoengq mehmbwk Dungcuз de cingq youz ndaw yienh bous lauxhangz Sawdungvwnz ceiq coz de——caemh yangh Gvandung Cunh bouscoz Dungcuз heuhguh Siz Yungjyinh son'gyauq, gig haeujsim dwk hag Sawdungvwnz, neix hawj gou gamjdoengh raixcaix.

"Gaxgonq ndaejnyi vunz naeuz 'Dungcuз mbouj miz saw' gou couh simnyap, doenghgi Fwendungcuз Heiqdungcuз youz bousgeq ndaw mbanj bien baenz de gou cungj yawj mbouj rox, seizneix hai ban son Sawdungvwnz, gou hag ndaej liux guh gienh saeh daih'it couhdwg gag guh baiz diemqhek nem danbyaek aeu Sawgun Sawdungvwnz sij!" Boushag Vuz Aisenh riu naeuz.

"Dangqnaj daengx yienh gungh miz lauxsae coz son Sawdungvwnz gyawj 100 vunz, doenghboux rox



aeu Sawdungvwnz sij saw haemq ak de miz 40 lai vunz, doenghboux rox doeg sij Sawdungvwnz de gaeng mauhgyaq 5000 vunz, dou dajsuenq aeu Hozlij Siujyoz guh giz sawqdiemj, doi Sawdungvwnz haeu hagdangz, danhseih aenvih cwngecz bangfuz noix、cienzngeanz mbouj bauj miz、lauxsae Sawdungvwnz hojgvaq daengj cingzgvang, hawj dou naemj guh rengz mbouj gaeuq, caiq mbouj yawjnaek nem bangfuz couh hoj guh roengzbae lo!" Bous Minzyijgiz gizcangj aen yienh neix Vuz Meijlenz lwnh naeuz.

Daj bi'gvaq daeuj, aen yienh

neix gungh banh Sawdungvwnz Fwendungcuз beizyinbanh 12 geiz, boushag mauhgyaq 1000 vunz. Doengzseiz, aen yienh neix doeng-gvaq moix bi bien geiz 《Sawdungvwnz》ndeу、moix cou bo geiz 《Sinhvwnz Vahdungcuз》ndeу、moix cou roengz lajmbanj cuengq denyingj gojgaeq nem gohgi Vahdungcuз gak ciengz ndeu、boiqhab Gvangjsih Gujczban cingjleix okbanj buek saw vwnzva Dungcuз daengj fuengsik haenq-rengz swncienz nem henhoh gij vwnzva dijbauj Dungcuз.

(Gungh Bujangh/龚普康)

SIUSIK DINJ

简讯

● 8 nyied 26 hauh banhaet, Yinhcwnz Yen Minzczugiz fat cienzngeanz bangbouj hawj doenghboux hagseng sausu minzczuз ranz gungzhoy de. Ndawde dayozswng 6 bous, moix bous 3000 maenz, gauhcunghswng 7 bous, moix bous 1000 maenz, gungh fat 25000 maenz.

(Lanz Cunghcwnz)

● 8 nyied 31 hauh banhaemh, Vuzcouh Si Cangzcouh Gih youq sicwng gvangicangz vujdaiz gawj-banh foux cangqndang minzczuз、genswnhcauh doxdax, ndaw gih neix gungh miz 29 aen dui camgya doxdax caemhcai qbingzok itdaengjciengj 4 aen、ngeihdaengjciengj 6 aen、sambaengjciengj 8 aen、youhsiuciengj 11 aen.

(Liuz Gozvwnj)

● Geij ngoenz gonq, Nanzningz Si Caizcwnngiz、Nanzningz Si Minzvej anbaiz 330 fanh maenz yungh daeuj guh 59 aen hanghmoeg fazcanj sausu minzczuз. Ndawde 120 fanh maenz yungh daeuj youq daengx yienh(gih) guh cunghab sifan cunh minzczuз daegsaek gensez.

(Vangz Sinhyungz)

● Geij ngoenz gonq, daih'it gaiq daengx guek baijyienj cozbij foux sausu minzczuз maenhndei youq Neimungzgij Swcigih Huh-hwzhaudwz guh sat lo. Bwzswz Si Minzczuз Vwnzva Swncienz Cungsim aen foux Bouscuengh lai bous mehmbwk diuq de heuhguh《Raeuj》nem aen foux Myauzcuz lai bous bousai diuq de heuhguh《Ginz Sim》faenbied ndaej dungzciengj nem youhsiuciengj.

(Ciz Sundungh Nungz Veihyenz)

● Seizndat, Cauhbingz Yen seizhah lajmbanj lijyouz ndaej vunzlai gyaezmaij. Ciuq cam rox, 1 daengz 7 nyied, aen yienh neix ciepdaih hekyouz 228.6 fanh vunzbaez, doengzbeij demlai 24.8%, saedyienh lijyouz souhaeuj 21.86 ik maenz, doengzbeij demlai 26.7%.

(Liuz Feih)

Denhdwngj Yen Gaujseng Camgya Vahcuengh Sawcuengh Suijbingz Gaujsi Gauj Ndae Ndei

天等县考生参加壮语文水平考试取得好成绩

Geij ngoenz gonq, Cungzcoj Si Minzyijvej goenghai le daengx si gij cingzci Vahcuengh Sawcuengh Suijbingz Gaujsi, ndawde, Denhdwngj Yen gungh miz 19 bous gaujseng camgya, bingzyaenz ndaej

72.39 faen, ceiq sang dwg 89.5 faen, daengx yienh cingzci youq ndaw si baiz daihsam. Ciuq cam rox, doenghboux camgya gaujsi faenbied miz Denhdwngj Yen Minzczuз Siujyoz daengj lauxsae

ndaw yozyau 12 bous、hagseng swfhan yozyau bous ndeu、gihgvanh ganbu cizgungh 6 bous; gauj cogaep miz 10 bous, cungaep 8 bous, gaugaep bous ndeu.

(Vangz Souciz/黄寿积)